

经文02

何故上座须菩提问也？

有六因缘



〔一〕为断疑故



若有疑者得断故。

〔二〕为起信解故



有乐福德而心未成熟诸菩萨等，闻多福德，于般若波罗蜜起信解故。

〔三〕为入甚深义故



已成熟心者入甚深义故。

〔四〕为不退转故



已得不轻贱者，由贪受持修行，有多功德不复退转故。

〔五〕为生喜故



已得顺摄及净心者，于法自入及见生欢喜故。

〔六〕为正法久住故



能令未来世大乘教久住故

亦即是般若波罗蜜令佛种不断

经言「应云何住」者，谓欲愿故

于中欲者，正求也

愿者，为所求故作心思念也

显示摄道

应修行者，谓相应三摩钵帝故

相应三摩钵帝者，无分别三摩提也



显示成就道

应降伏心者，谓折伏散乱故

折伏散乱者，若彼三摩钵帝心散制令还住也。

显示不失道

何故唯问发行菩萨乘？

为三种菩提差别故



以善问故，于上座须菩提所应称善哉。